

鈴

山

堂

集

鈴山堂集卷第十目錄

詩

大祀齋居

齋居奉以久菴寅長紀贈

寄贈鍾石翰長

寄贈介立舊寅長

次紫巖太宰齋居韻

次費學士齋居

次胡太常齋居

予昔在翰林禮部楊月湖汪閒齋二先生齋居

邀予詩會今二公已下世矣感舊述情而題
此句

至日群公集靈谷寺

靈谷寺次浚川大司馬韻

次久菴少宗伯

晨經鳳臺門

登雨花臺

過永寧高座二寺

送司空秦公赴召

贈士鳴年兄

金陵歲夜

樂道吟

東園燈宴

贈叅贊王公浚川

哭東井內兄

上陵作

宿鷄鳴山

省中元會

元旦 孝陵陪祀

元日父菴少宗伯九峰太常集飲

鈴山 御書樓成自述短詩

題顧中丞山居

和太宰紫巖送春四首

寄歐從龍侍御

致政劉光祿偶見遂別賦贈

送黃少司徒

寄壽張允敬同年

寄題歐侍御碧谿草堂

題石灘卷

石川詩

送盛程齋都憲

送胡司寇

奉送浚川王公赴召

賀紫巖劉公叅贊留務

王銀臺北上識別

題晏守備畫

送大司寇周公致政

九日金陵城西泛舟同顧中丞

陳中丞年兄陞大理卿贈別

贈陳虞山中丞之南贛

大司馬劉公宅翰林諸寮修瀛洲之會限韻
答潘石泉年兄見贈

院堂之集予以病不赴次韻答諸公

大司成陸公枉駕鈴山草堂作此寄謝

送大理周公赴召

送張中丞赴眉北臺

會林介立先生宅限韻

贈林大理次崖

鈴山堂集卷第十

詩

南鈴集

升菴楊慎評點

大祀齋居

省閣南宮靜台堦北斗齊露承金掌近天傍玉繩低
院寂人稀語松高鶴對樓舊編閒自校窻火照青藜

二

坐漏頻移榻聽鍾更振衣月疑開寶扇雲憶閃朱旂
禮樂今周祀河山舊漢畿翠華天北極遙仰六龍飛

三

露筍分朝饌，鑪沉換夕薰。地嚴增閼寂，味澹謝芳葷。
澄漢懸珠斗，層霄駐彩雲。百辟同明德，千春奉聖君。

四

忝竊紆朱綬，棲遲記玉堂。鍾陵山上月，重此對清光。
白日看駒隙，青雲愧鷺行。所嗟心寸草，何以報春陽。

予昔掌留院去後
八載來領禮部

齋居奉同父菴寅長紀贈

松柏高姿蘭蕙薰，荂齋北郭舊論文。寧非夙世神仙

侶，華省青精更對君。

公昔官嘉興統
居北郭山下

叔度令予鄙吝消，英詞往往奏英韶。文章已見題

古禮樂還應翊 聖朝

寄贈鍾石翰長

咫尺南宮近木天
羨君官府是神仙
鸞鳳會整青霄翼
山水還留白雪篇

玉署清銜直似冰
文章南斗價逾增
古槐脩竹清陰裏
散帙談詩記我曾

寄贈介立舊貢長

學省清遊易歲年
留臺重望借才賢
鵷鸞故集丹山樹
奎壁還聯紫極天
麟閣石渠須制作
碧山滄渚寄延緣
懷人正有停雲思
撫景空彈白雪絃

次紫巖太宰齋居韻

遙想秦壇燔壁夜彩雲晴
歲帝城春帷宮御氣臨黃
屋閣道爐煙上繡茵
翠管銀甕霑澤舊椒花
栢葉獻年新
留曹自是均勞地珍重台衡報主身

省閣松陰動日華
仙卿高詠興無涯
正逢山翠開書幌
擬近池波著釣槎
閶闔北雲頻望闕
烟花南國更移家
甘盤舊學留宸眷
早晚徵綸拜寵嘉

次費學士齋居

玉堂幽事鎮相關
雪茗雲篇興未慳
春檻烟花迷紫禁
夕簾蒼翠滿鍾山
綸闈世掌看新命
講殿晨趨

舊班見說天庭起黃色北扉應待鳳書頒

次胡太常齋居

容臺齋後靜鑪薰江郭晴煙靄瑞氛自識仙曹堪隱
吏偶過僚署喜論文海中鶴馭通三島天上彤樓麗
五雲鄰並最歡依玉樹別來三日倍思君

予昔在翰林禮部楊月湖汪閒齋二先生齋居
邀予詩會今二公已下世矣感舊述情而題
此句

劒水煙雲寶氣消龜峰猿鶴已難招讀罷舊題空淚
落省闈風竹晚蕭蕭

至日群公集靈谷寺

青霞宿霧淨朝陰長笛洞簫悲遠林雲竇泉流一壑

靜石門路入萬松深迴廊古壁留名畫隊葉冷風助

梵音此地嚴巒足幽勝歲時攜酒一登臨有吳小仙畫壁

至日上方吟送酒盡看鸞鶴在煙霞陽回嶰谷時方

泰山繞鍾陵境自嘉林下幽香逢蕙草水邊春信見

梅花習池賓客今名勝轉覺風流興未涯

靈谷寺次浚川大司馬韻

深冬翠壑尚春姿八座輿驂共此時今代珠林開淨

境千年金塔禮真師泉邊倚榻逢僧話樹底穿雲

無知蓮社虎溪俱勝事不妨重作後遊期

次父菴少宗伯

上方臺殿聳蒼蒼望近松門路轉遙山抱玉陵增氣
色磴盤琪樹入雲霄巖花當日迎龍馭澗水千年落
鳳韶林下誌公呼不起空餘遺事說梁蕭

高皇嘗幸此

晨經鳳臺門

臺鳳久寂寞門今尚得名齒巒拔地峻竹樹帶煙晴
寒日一以眺白雲空復情萬峰天外色一一抱神京

登雨花臺

雨花朝獨上寒望盡皇州獵獵海風至冥冥江霧流

樓臺開秘苑，樹石枕高丘。今古浮雲色，長歌寄此遊。

過永寧高座二寺

永寧峰寺僻高座，亦爲隣曲徑無人。到雲松自可親，異花飄法界幽草發新春。安得遺塵事林中，結淨因。
送司空秦公赴召

又看冬省承優詔，更折春梅送別筵。江寺勸杯曾對雪，鳳樓鳴玉再朝天。舟經故里迂仙棹，衣近金鑪上御煙。想到禁庭多雨露，一時卿望盡才賢。

錢清涼寺值雪

十年鍾阜重遊地，正喜從公柰別何。垂老再逢宣室

召祖筵猶唱渭城歌
南宮晝接天顏近
西苑春禋木
樹多周歷五曹誰得似
聖朝勲業著嵯峨
公歷任兩京五部

贈士鳴年兄

簪盞欣相倚
其如此別何
江湖憂思在
霄漢盛名多
暮渚吟蘅杜
春山隱薜蘿
賜環知有日
行矣養天和

金陵歲夜

舊都遺俗是昇平
又聽盈門鼓吹聲
柏酒競傳知臘味
土牛初獻識春耕
萬家梅柳開煙市
雙闕星河隱鳳城
津海客遊今老大
自慙癯質玷華纓
京兆後民以鼓笛管

歌沿門報春
國初故事

木爐松火照春城夜雪寒燈對舊京霜髯暗催人易
老天涯獨宿夢難成因懷泉石違初志愧乏涓埃答
聖明燒竹引杯聊餞歲望鄉瞻闕總關情都人燔香
木丹葵松

夜
技照

樂道吟

朱郎神仙館芸窗翰墨林簡編求至理泉石散幽襟
點瑟聲塵間顏瓢味可尋獨攀叢桂隱時對白雲吟
鍊氣餐霞液齋心翫苑陰東平為善意千載嗣徽音

易經語何嘗不可入詩如此點瑟顏瓢是
也唐詩亦有山之瑟賜也牆佳句可以並觀

東園燈宴

芳節誰招宴東園公子家
雍容十日釀燈燦光
林榭凝歌吹樓臺滿月華
習池風景異留賓未云賒
贈參贊王公浚川

聖朝留鑰付元臣
位望南都領縉紳
身繫安危稱大老
道弘風雅作詩人
指麾貔虎千營靜
蘇息瘡痍萬戶春
共道政成催入輔
漢家勲業待麒麟

哭東井內兄

纔霽除目便終身
襖被囊書祗舊貧
新授景陵山縣長
晚登京兆貢科人
賸聞行義稱鄉黨
每見文章重縉紳
天道茫茫那可問
傷心歸櫬暮江濱

二年京國走紅塵客舍相依意自親
往事恍疑春作夢浮生空憶幻爲身
可憐丹旆題新秩謾說烏紗換舊巾
銅綬向來消不得紆朱拖玉是何人

上陵作

十載朝陵路重來識翠微
聽泉經石澗攀柏候金扉
麋鹿能迎客山雲故上衣
那能不老舊侶覺全稀
宿雞鳴山

寺峰雲霧裏重借石堂眠
猶似當年到燈懸古佛前
省中元會

獻歲二陽泰祝

聖萬方歡卿雲朝氣合
數星夜炬

接延閣綿鐘漏華省肅鷄鸞金塘初變柳玉砌
蘭秩禮崇元化備聯忝春官

元旦 孝院陪祀

玉殿中峰裏煙開雪樹春盤鳥棲露靜澗鹿向人馴
弓劒陵園閔旒衣歲日陳萬年周鼎地奔走備王臣

元日父菴少宗伯九峰太常集飲

竹煙松雪散餘寒
莫莢桃符慶履端
天地萬年吾道
泰陽和四海聖恩寬
增齡更藉椒觴勸
應俗先傳綵
勝看喜並德鄰能
枉駕正依雲閣共彈冠

鈴山 御書樓成自述短詩

樓成東國定何如，綳帙牙籤盡賜書。
延眺巧當山色處，對揚榮荷聖恩餘。
三春花氣薰蘭茝，五夜虹光映斗墟。
留與後人傳世澤，要知經訓是留畬。

十載虛叨列近臣，寶函宸翰拜恩頻。
雲霞捧出天家製，琬琰藏爲奕世珍。
萬古江山開棟宇，百年忠孝報君親。
願將天保歌周曆，夜傍奎躔禮北辰。

頻隣松竹是吾廬，廿載辛勤此卜居。
山近雲煙浮几案，門深賓從擁軒車。
敢將新構誇侔奐，但願淳風挹里閭。
他日若論歸老計，鄴侯惟有滿家書。

題顧中丞山居

城居厭煩鬱遙在碧山樓石徑雲俱靜松窗路轉遙
到來峰歷歷吟處草萋萋我憶聞高論春醪遠爲携

二

桃樹仙人宅春山不可尋偶隨芳草去言到白雲深
片月窺羅幌啼鶯遶竹林亦知難久卧四海望爲霖
和太宰紫巖送春四首

風晴芳絮紫香幌日晚餘花照酒卮傳語吏人休白
事宰公方詠送春詩

江寺花枝開不稀背巖幽渚闌芳菲東君有意如相
惜莫遣風吹片片飛

未因春別恨匆匆酌酒看花興轉濃聞說郭西花更好與公同上最高峯

便買春醪日典衣及時行樂莫相違白鷺洲前寧久駐紫薇紅藥待公歸

寄歐從龍侍御

壯心黃鵠青冥上舊業蒼山楚水南誰道向來經濟畧種畬栽樹伴農談

致政劉光祿偶見遂別賦贈

碧山高榻卧清風幾許音書渺未通舊日綈袍仍戀戀百年塵路苦匆匆軒濫處具慙鶴世網難羈

羨鴻明日吟詩向何處白雲江上倚孤蓬

送黃少司徒

去國十年仍赴召遭逢今覩漢儀新煙花對酒留春
棹劍珮衝星上紫宸館中朋輩誰同在白下交期我
重親臺省故人如見問爲言閒僻稱吟身

寄壽張允敬同年

吾愛張平子餐霞東海陰異方仙客授高行里人欽
久稅林中駕彌清塵外心無因介眉壽遠寄鶴飛吟
寄題歐侍御碧谿草堂

杜史谿堂何處尋石潭沙島靜陰陰扁舟客到柴門

近芳樹鶯啼草屋深霜簡皂囊酬夙志渚蘭汀芷寄
閒心濯纓擬和滄浪曲抱膝還爲梁甫吟

陽曰語
精字

題石灘卷

吾愛石灘子爲賦石灘吟雲波晴瀉練風瀨暗鳴琴
澹逸鳬鷗侶青蒼楓栝林塵纓何日濯訪爾草堂深
石川詩爲婺源汪子賦汪子思親所嘗遊也

羲馭無停轡川流靡迴波朝見枝上花暮觀葉辭柯
伊昔親在時杖屨此婆娑奄忽逝如期忍賦詩蓼葦
極浦菱荷發清瀾鳬鴈多向來釣遊處白石橫秋
憇石復懷川攬涕傷如何

送盛程齋都憲

欲尋東海黃金龜，仍向羅浮碧玉峰。
人世塵勞知已息，仙山靈藥會相逢。

銀魚錦笥承恩日，綠水丹山歸隱時。
逍遙且喜從吾好，寵辱由來非我知。

送胡司寇

長干寺裏幾迴來，折柳尋花醉此迴。
同榜四人公復去，後期何地更啣杯。

奉送浚川王公赴召

皇構溟梁棟，天達侍鳳鸞。
聖衷勞側席，時望切彈冠。

霄漢恩波近江湖別路漫所嗟從教遠長展卷詩看

二

雄峻稱三獨清忠仰百寮天書新寵渥霜署舊風標
威振臺綱肅春行郡國遙向來經濟望好答聖明朝
紫巖劉公叅贊留務賀贈

玉堂延閣舊儒仙華省三臺次第遷待入鳳池司帝
制整持龍節掌兵權區人物甄陶內建業山河控
制前共道全才齊吉甫早聞功德格皇天

公歷留
吏禮兵三

王銀臺北上識別

舊官來共秣陵居每誦清詩歎起予晚歲欲書金石
契新恩重下紫泥書驂騑逸步諳長道鵷鷺崇班上
玉除薊北江南相憶否還將尺素付雙魚

長安里第似幽居水石流傳亦到予芳會更移泉上

酌舊題多認竹間書能留嘉蔭棠堪憇謾適閒心草

未除君去好隨天闕鳳吾衰終釣楚江魚

王邸第長安街山池

甚勝予
代居之

題晏守備畫

汲泉抱甕誰家婦伐嶺負薪何處翁要識民間貧苦
事此圖長置此堂中

當年鋤禾婦子同力田心只願年豐人間最苦惟農
事看取豳詩七月風

送大司寇周公致政

海東歸駕杳難攀松桂清陰滿舊關老境正逢開口
笑畏途誰得乞身還花邊曳杖吟隨鶴湖上移舟坐
看山簪笏有人能繼美恩波長在五雲間

九日金陵城西泛舟同顧中丞

松塢顧中丞吳郡施子仁攜酒邀予自石城沿水
西門經朱雀橋入通津門歷覽諸勝抵暮而返昔
人九日有登高之會吾儕周覽名都登艫展席

郭紫紆水天容與亦一勝矣乃賦近體二章贈之
同好以附囊萸故事云

蘋洲荻浦水雲長素舸筠簾水雪光霞氣入江明島嶼浪花霑席淨琴觴伴人泛泛鷗何逸媚石輝輝菊自芳非是龍山吹帽客還將幽意寄滄浪

龍河西渚石城隈九日風煙霽色開帝苑樓臺雲裏見澄潭鳬鴈鏡中回青溪渡轉橋橫木朱雀航空月映苔千古風流今獨勝中丞與客泛舟來

陳中丞年兄陞大理卿贈別

卿月昭回入紫微法星迢遞別南圻江波共惜仙帆

遠臺路爭看繡斧歸松柏晚當水澗立鴈鸞春傍禁
城飛江東雲樹遙相憶榜下同年太覺稀

贈陳虞山中丞之南嶺

清獻祠前秋水清鬱孤臺上暮雲平江關粵嶠開雄
鎮璽勅兵符借老成正以冰霜論節操湏知魚鳥避
威名天南舊路君應識惟喜梅花管送迎君嘗謫官嶺南過此
大司馬劉公宅翰林諸寮修瀛洲之會限韻得

詩四首

鍾山晴對草堂青勝日芳筵更此庭花霧竹煙籠氣
色漢雍唐省備儀形直令渾噩追三代坐見文章侶

六經却憶北扉供奉日幾回鐘漏候明星

十年重見柳條青剩水殘山舊所經勝會正看鵝作
侶瘦軀翻訝鶴同形情娛尊俎堪移日地遠江湖漫
聚星食飽事閒兼吏隱不知何以答虞庭

菊叢橙實競寒青客舍鍾陵歲幾經玉署俊遊論接
武金蘭交契到忘形盍簪瓊樹羅玄圃張樂冷風起
洞庭已報泰階呈國瑞夜闌搔首望天星

烹茶燒竹坐談經正愛清香滿戶庭賴有琴觴能遣
俗都無案牘可勞形上林梧竹棲群鳳東壁文章紀
二星他日漢家麟閣上願期勲業在丹青

答潘石泉年兄見贈

塵壒驅馳愧我形，鬢衰非復舊時青。
偶隨冠佩登仙署，未有涓埃報帝庭。
省閣優閒無吏牘，山川名勝有圖經。
江湖敢替憂君念，夜夜頻瞻紫極星。

院堂之集予以病不赴次韻答諸公

玉堂開宴勸杯寬，彩筆題詩灑墨乾。
繞檻山圍錦繡障，過簷竹長鳳凰竿。
舊遊夢憶仙曹隔，予舊領此院雅會

身慙病祟干八座，軒裳俱俊望薰段。
那得倚琅玕。

大司成陸公狂駕鈴山草堂予以遠寓金陵無緣

攀迓感別增情作此寄謝次原韻

餐禁儒仙薇省使近傳旌節過林丘青苔地僻無人
掃翠竹天寒可自留想復移舟空對雪誰能載酒共
登樓爲吟佳句增惆悵目極孤雲楚水頭

浦東我昔登公堂豈意公猶度我鄉海內交遊同骨肉
天涯涕淚各參商關山落日雲千嶂河漢懷人水
一方冰玉丰神鸞鳳羽百年愚谷借餘光

攀留能愛小山叢此日相過似夢中萍海漫憐身作
客杏園俱憶鬢成翁多慚華省迂高駕可笑貧家只
素風想見江山入題品玉堂椽筆是宗工

送大理周公赴召

亭晚離尊集波晴錦纜開使旌移北斗卿月近西臺
奏讞平天憲登延簡上才寧知湘水客重覩漢庭來
公前言
事被謫

送張中丞赴召北臺張舊以翰林例出補外乃
獨有今召

舊日並辭金馬客天書榮召似君稀獨憐一鶴歸瀛
島却領群星入太微西臺執法搖霜筆東掖趨朝著
豸衣共說爲儒堪重寄益看吾道有光輝

會林介立先生宅限韻

眼中世事何多虞置酒高堂聊燕娛衣冠朋輩幾

風雨林花半有無
生人情致何所似
炯炯清冰
玉壺愧予寮
寮平生分遲爾
雲霄萬里途

贈林大理次崖

廷尉平反力有餘
書簾朱墨更忘劬
存疑遍示諸生
錄傳信新刊兩寺書

芹曝猶堪獻至尊
皇王治道有新論
漢庭帝鑒明如
日次第還行賈誼言

鈴山堂集卷第十

鈴山堂集卷第十一目錄

詩

入省十四韻

瀛洲會限韻二首

省中齋宿

省中池亭作

皇儲恩例賜給二品誥命感忭有作

曠日奉常穆公宅集會限韻

元日費林二翰長集飲

初歲於省中作

鈴山堂集

卷一

人日翰林諸寮於敝寓山池爲瀛洲之會
元夜集宗伯甘泉公宅

雲谷寺

題顧中丞載酒亭圖

生日自述

觀音巖同王司馬作

西園賦贈徐六公子用陳侍講韻

暮春集鷄鳴山閣

寫真自題

送許仲貽赴舉

除夕

元日作

元日羅子印岡以詩見寄次韻答之

歲初視篆呈藩公寅長

新年鄉會

人日宋中丞讌集

侯中丞讌集

和侯中丞元夜喜晴

和顧中丞出息東郊田舍

生日效長慶體

江閣春眺

觀音山作

金山寺

贈王翁

尋方伯張公台溪隱居

憇舟九石潭下登張侯廟有作

行經傍羅江懷寄黃費一太史

廣陵往觀甘泉山精舍馬趙二戶曹携酒同酌

桓山集宴

恭聞駕謁長陵寄呈扈從夏公大宗伯

晚發潞縣值雨是日聞車駕還京
潞河

通州通惠河登舟作

贈曹大叅仲禮并東高大叅子業

餘山堂集卷第十一

詩南銓集

升菴楊慎評點

入省十四韻

斗極三辰峻天曹六職先官爲巖石地政自 祖皇

年定鼎乾坤闢開堂水鏡懸百司存法守一敬啓心

傳

堂後敬亭
國初時扁

驚寒慚非據鴻私荷再遷兩都仍踐歷

孤跡寡階緣天日逢

明后璫璣浼雋賢吹竽容竊

濫推轂廣登延每切循墻懼方叨蒞席專敢期攀鳳

羽榮得上星躔齋閣山如畫留都境若仙簾垂鍾阜

月鴉散石城煙簿領頻多暇寅恭敢忘虔惟應論晚
節松栢誓同堅

司徒許公宅修瀛洲之會限韻二首

瀛島書傳白鶴先佳辰展席對江天官梅東閣催詩
興客舍并州感歲年嘗菓味分霜後橘烹茶香泛竹
間泉杏園繪事風流在此會他時合共傳

宣德間館閣諸老有

杏園雅集圖

肴出駝峰酒送泉新詩珠玉盡堪傳空江木落年華
晚幽樹梅開淑氣先鍾阜移尊聊此夕玉堂載筆是
何年司徒門第今韋杜時論真同尺五天

省中齋宿呈同寅潘公年丈

用元青二韻

大祀恭傳 帝命先兩人聯宿省堂年浮段淑氣初
回瑤燐壁榮光遠燭天檻近靜移蒼檜月亭空寒浸
碧池泉連宵促席聞佳話茗碗蔬盤得共傳

蕭蕭林葉墜高庭寂寂窗燈隱幕青畫省竹松仍坐
漏紫壇冠珮盡衝星 聖明禮樂追三代薄劣遭逢
起一經清廟告成當有頌黃虞致化本無形

省中池亭作

一泓長湛鏡中天欄檻憑高得月先祗道省中持簡
蹟不知窗外有林泉幽篁拂座能蠲俗老檜凌霜不

記年誰信仙曹燕吏隱詩成莫遺外人傳

皇儲恩例賜給二品 誥命感忭有作

賜誥新恩出帝閭幾回榮寵到私門錦鸞織處天章麗犀軸頒時御墨溫先世總看覃雨露微生何以答乾坤百男萬壽吾皇祝夜禮星垣稽首言

西蜀旬宣惟我祖簪纓餘澤到諸孫琅函錦字尚書誥秀水鈴山世德門蓬舍儘堪容駟馬圭田元可薦蘋蘩四年兩度逢恩慶重見天光賁九原

臘日奉常穆公宅集會限韻

長安門館鳳池通幾許招尋令節同海內故交還骨

肉天涯萍跡漫西東鸞樓正借高岡樹鵬運宜搏翼
海風 聖主聰明過堯舜欲於何地獻愚忠

元日費林二翰長集飲

栢葉細傳元日酒相過喜是玉堂人他鄉對客情偏
洽帝里逢春賞更新紫禁祥煙低拂柳鳳池細水欲
含蘋年華物色看流轉珍重尊前報主身

初歲於省中作

獻歲開元祚麗景耀神京彤庭祥霧合鍾山佳氣盈
天曹肅弘敞巍閣峻且清北瞻鳩鵲觀東瞰鳳凰城
修廡儼槐栢列署映瑤瑛虛薄蒙 皇眷繆此忝持

衡跂昔繁名拈一一惟國楨蟠木詎爲用華章忽濫
嬰本乏資世器幸遭休運明螢光思向日泠滴愧輸
瀛夙夜懷山甫懿德誠可經

正月七日翰林諸寮於敝寓山池爲瀛洲之會

闔韻得七言近體二章

人日邀賓共草堂登雲巖石動輝光因攀梅蕊生詩
興更藉椒花獻壽觴天近鳳池通雨露氣催鶯谷轉
春陽高才盡是雲霄望薄劣慚隨鵷鷺行

客邸長安水竹居能堪八座擁朝裾慢亭正啓神仙

宴花遲初停長者車幽洞駐雲迷紫翠碧池消雪漾

清虛莫嫌菲薄無供給留取新題石上書

元夜集宗伯甘泉公宅得五言體

瑞雪南宮夜華燈共此筵絳葩燃夕艷瓊絮舞春妍
應節辛盤出留歡栢酒傳坐中皆郢曲歌詠答韶年

二

帝城春信早春園趣不稀池煙凝竹色庭雪助燈輝
氣煖浮蘭醴花寒落毳衣清言歡未極玉漏轉微微

靈谷寺 二首

蓮宮青嶂合松門石逕通窈然深谷裏疑與秦人逢
澗底藏餘雪窓中列秀峰寂寞支公宅惟聞朝暮鐘

二

谷寺新春到山深嵐霧寒蒼松立萬壑寶塔青雲端
不覩崇官麗那知法界寬夙有煙霞好登臨寄一歡

題顧中丞載酒亭圖

紫芝題墨千年勝圖向衡山賞更新萬壑雲松一茅

屋就中疑是草玄人

元人俞紫芝題
扁文徵仲畫

松塢高眠深閉關清詞白雪落人間我欲相從迷所
適却隨芳草到春山

生日自述

童稚瑩囊抱一經宦途奔逐鬢還星風雲自幸逢明

世羸病那知介晚齡寒雪暎巖松色定早春當檻柳
條青晨觴未許兒曹送追憶劬勞涕暗零

五十五年初度日他鄉踪跡尚流萍關心萬念悲身
事竊祿三朝愧寵靈晚歲冰霜恒自保世途巖險
故曾經遲回退食江湖遠省閣鐘峯吟翠屏

觀音巖同浚川王司馬作

久懷名山遊登賞春已暮言尋紫芝約頗適滄洲趣
巉巖石抱城泯泯江流霧憇礪挹飛泉攀蘿蔭芳樹
臨川足魚鳥攬澤多蘅茝興發揮綠觴浩歌誰與晤
弱水隔煙濤蓬瀛渺天路豈無乘鶴僊雲中自來去

人世多囂塵流光草間露嘉會良足怡轉盼已成故
何當果雲松脫跡葆貞素

臯林媚晴春宛若綺繡錯岷江滙洪波九派悉輸約
不疊萬古磯懸崖出飛閣崖中白衣士趺坐澹虛泊
祇死遺俗氛巖花自開落俯窺群象杳仰視天宇濶
昔賢幾登臨異代不可作竭來奉佳遊轉使吏情薄
欲釣任公鰲還夢坡仙鶴青山何寥寥白石亦鑿鑿

寄謝同心侶且永今夕樂

陽日二詩
皆有選意

西園賦贈徐六公子用陳侍講韻

幽人宴息在林園不信城闌車馬繁鏡裏芙蓉臨玉

蓬萊中樓閣俯青原荒臺鳳去雲俱寂茂苑黯啼日
自宣合有神仙來此地時占紫氣候前軒

暮春集鷄鳴山閣

勝侶携尊興不違春山高閣坐忘歸濃煙密樹深相
映麗日澄湖迥白輝清磬乍隨僊梵遠異花時仿佛
筵飛真從畫裏看京邑更與攀蘿上翠微

寫真自題

二極中間賦此形漫勞圖史付丹青裴卿獨笑非冰
鑑方朔虛疑是歲星事可告天惟自信忘期希古不
遑寧華簪朱紱吾何意乞取煙霞養性靈

送許仲貽赴舉

高亭擊劍酒盃深極浦維舟風雪陰積水不堪連暮
色歸鴻應是帶春音雲霄獻納升東觀泉石棲遲別
故林共道孫弘工射策莫令經術負初心

除夕作

甲午

盃湛燈明深客堂促陰浮跡笑塵忙病來漸覺形容
老靜後渾於歲月忘星斗逼簷知夜永壠畦融雪卜
年康朝衣細整聽鍾漏正想氤氲漢殿香

元日作

乙未

客居鍾阜二移歲官閣梅花暖自芬欲試綵毫詩每

就重斟柏葉酒初醺春城萬戶催簫鼓霽景下峰巒
雪雲竊祿自慙無寸補聖朝功德冠華勳

元日羅子印岡以詩見寄次韻答之

正元天氣兆和豐旭日卿雲瑞靄同綈室啓春回物
候玉書頒澤起疲癯侵堦細草痕微綠裛露仙桃萼
漸紅却愛巢由歌帝力康衢新詠寄南宮

歲初視篆呈潘公寅長

滌篆池冰暖開堂雪樹青春光動八極休氣協三靈
比闕垂恩露南宮聚德星同志欣寮案撫忠報帝庭
新年鄉會

敷歷群公在吾鄉不乏賢蓋簪逢帝里投轄啓春筵
栢葉隨罇細梅花鬪勝妍留懽非易得四海是堯年
人曰宋中丞讌集

此日逢人好邀賓荷主賢臺霜凝畫戟庭栢近芳筵
雪擁千門曙春增萬象妍曾同杏園宴相對惜華年
侯中丞讌集

中丞今峻望南國盡稱賢楚水移家久霜臺非此筵
飲豪觴今促坐久燭花妍蓬質慚難並青松耐歲年
和侯中丞元夜喜晴

九衢華月霽燈宵帝里韶年景自饒吳地歌聲

子夜漢家樓閣入煙霄三陽淑氣迎黃道
樂聖朝正喜中臺布時令盡看南畝事春苗

和顧中丞出息東郊田舍

息駕追風遊藝疇戒春作繅繭已眠蠶探鵲忽成鵲
林英紛委地柰此風雨惡芊綿原隰引聯絡溝塍錯
疊石群岫移誅非數椽縛寧希金懸肘賴有田負郭
燦燦霞冠岑涓涓泉赴壑雉雉當坐隅嗥犬出叢薄
牀橫元亮琴架貯韓康藥雅志璞仍懷浮榮屣應脫
豈異子雲居草玄甘寂寞

清旦漱玉齒焚香諷道書朗吟百神衛萬遍祛災虞

至人昔有語上智乃如愚谷虛神以存累遣體應舒
大隱在城市豈必侶樵漁林卧觀衆芳水木及春餘
青陽忽已暮不樂復何如覽鏡彫朱顏髮白不滿梳
興來理瑤瑟且復對浮蛆誦君東郊作吾亦賦歸歟
生日效長慶體是歲予竊祿留曹三載矣

年過半百仍加六貪戀清時未拂衣朱紱拖身官秩
貴青雲屈指故交稀遊魚在藻恩誠渥病鶴乘軒分
却非待得銓曹書滿日只應便掃故園扉

春眺

冉冉春雲開閣扉冥冥煙浪遶亭磯穠花錦石春能

巖禪逕香雲賞未稀
鷗鷺不驚塵事遠江山無跡
人非靡蕪千里汀洲
晚悵望征帆帶雨飛
陽湖泊蘊藉

觀音山作

山吐青蓮宇江間白鷺洲
中天橫積翠百谷滙洪流
俗遠因成寂林深易得秋
誰能來月夕吹笛起潛虬

二

千峰遙翠合九派迅流奔
積氣浮潭浦殊狀變朝昏
巖幽藏綺閣蘿懸翳石門
歎逝徒延佇悟寂與誰論

三

晨霽煙景豁平流淨如掌
魚鳥遂飛潛舟艦相下上

具美信難期朋宴娛春賞何當風雨冥來閱驚濤壯
金山寺登賦

披雲躋絕壑蹇蘿憇石門上方孤磬發令我澄心魂
苔壁風煙古龍湫霧雨昏摩訶銘難辨開金蹟尚存

二

浴日鯨波迥含風鷺嶺孤春洲足煙雨客思渺平蕪
天影遙連海山形盡入吳復此弭蘭櫂因悲芳歲徂

贈王翁楚極

方袍鶴氅白綸巾來往人間作至人借問碧桃今幾
發東風一百九迴春

海上靈山那可尋
人間至藥幾時成
翁能授我長生訣
便欲相隨隱姓名

尋方伯張公合溪隱居

激瀨交文渚
列樹間平疇
雙澗緬迴合
中隱林廬幽
結駟臺省別
巾車山澤游
停雲思彌積
伐木意相求
憇舟九石潭
下同合溪方
伯登張侯廟
有作張侯者
南唐時將有
功封侯方伯
之遠祖也

靈峰開峻宇
危磴俯澄灣
鳥道風煙上
停艫得共攀
山春谷彩媚
天迴水容閒
知有仙人過
吟留雙樹間

二

山隱張侯廟洲傳九石潭碧溪環島嶼高棟鎖煙嵐
靈旆風雲擁神輿虎豹駢千秋奉明祀遺澤在江南
行經傍羅江懷寄黃贊二太史

沿泝多異狀九潭清我心巖松冠朝旭河柳變時禽
霞爛初成綺溜遠忽鳴琴知有玄豹隱求之雲霧深
冲懷結悃素一寄瑤華音

暮春廣陵往觀宗伯湛公甘泉山精舍馬趙二
戶曹携酒至同酌

地以高賢勝春逢淑景和愛山因獨往載酒得同過
周覽乾坤大幽尋水石多咏歸堪自樂鳴鳥亦成歌

五

嶽麓名非忝龜山道可宗堂軒開峻構劔履寄高蹤
壇杏有千歲江花能百重塵纓如可脫吾意會相從
題桓山馬水部張戶曹宋兵憲邀集

桓卿爲石室聞在此山間愚蹟無人問禪林客自攀
斷碑荒蘚合深洞碧蘿閒千古悲涼意斜陽獨鳥還
二

群山連積水疑望渺煙氛鹿走遶堦草龍嘘大澤雲
霸圖雄業改殊俗劔歌聞吊古情難極憑高酒易醺
恭聞 駕謁 長陵寄呈扈從夏公大宗伯

金上
松柏橋陵地千官扈
聖來騎管丹壑繞幄殿碧山
開靈雨能隨輦祥風不起埃駐鞍頻賜對獨有禮卿
才

園廟崇明祀 君王舉曠儀侍行 慈聖喜宣旨近
臣知霜露玄宮閔星辰玉座移百年今父老驩覩漢
旌旗

晚次鄆縣值雨是日聞車駕還京

松暝雨瀟瀟公庭坐寂寥城荒民戶少沙曠旅程遙
渠喜通泉溜畦憐潤麥苗夜聞鑿輅返魂夢繞丹霄

潞河

解裝潞河許豁然襟抱開闊萬室兼冠帶八紘
塵陸今如海黃金昔有臺鳳城雲霧裏瞻望氣佳哉
通州城北新濬通惠河以達漕粟入京免陸運
之勞是日登舟有作

昔上鞬飛盛今來航素波中流牽錦纜臨泛興如何
舵轉郡樓失蓬開山翠多宛似吳堤上垂楊隱櫓歌

二

一閘復一閘牽舟苑柳陰惠通名聲昔疏鑿利從今
波浸城阜遠源分苑內深極知邦計重真說水如金

水自內
苑流出

贈曹大叅仲禮并簡高大叅子業

嶽伯中州彥文章有舅風破浪鯨力健馳野驂群空
翰死名無忝藩垣位已崇相逢仍遽別接贈意何窮
空同李子之甥也

帝賜辭天陛旌麾指日新但筵霜賜醴夙駕拂征衣
過雨關塵淨經霜隴葉飛同遊有蕭適知詠省中薇